

慶陽府志

卷一——卷十

北 180182
134.1
: 1-8
部 =

冊
一

序 跋 凡 目 星 建 疆
例 錄 野 置 域

城 形 山 関 里 勝
池 勢 川 梁 甲 景

明制慶陽府治安化領州一寧州縣四合水環縣正寧與安
化而四清制因之此志詞義嚴謹亦佳志也惟勝景一目
彙列各屬縣八景附會稱道之不足又分為之因果其真
為名勝於揚風雅未始不可然各縣所標榜大抵培樓之
山洄溪之水風月雲樹何地不有而少者不減為七多者
亦不增為九輟轉襲取最為志乘錮習甚惜今植此志亦
後未能免俗也人物共名也志既有鄉哲存義等自後有
人物去取之間奚所取裁此又類目失當宜加改正者矣

臨洮鴻汀張維題記

慶陽府志

卷之一 序

一

慶陽府志序

自昔徵文考獻可以稽往蹟酌時宜叙地利以振俗維風者莫如志。志自州邑登諸郡府上諸省或郡志一書以紀邑甸文物大以脩都會典章絜惟重哉。慶陽舊為公劉已其民樸勤力穡洎宋韓范兩公治其地並進淳良前明樂蟠韓鼎著有志志頗稱詳該。國初郡守楊藻鳳重輯之迄今百有餘年舊載既多殘缺時事踵新亦未得付排纂幽光湮晦勝跡銷沉拾遺補缺不可謂非守土責也。我

聖天子景運攸隆

皇猷允塞拓西陲之地萬有餘里版圖式廓廣古罕聞爰偕

慶陽府志

卷之第一 序

制府楊公檄准郡邑志書將哀為通志而慶陽趙守乃先是蒐輯彙呈其所編郡志可序於予夫志乘之作自古為難無上下古今之誤滄賈掌故之才則引經析義有愧典核抑或論定當代非以簡見之疎致多掛漏即以博含之意動涉浮夸詎足自謂珥筆漫訂千秋之業哉今趙守殫心文獻雅意攬搜俾慶陽一郡之風土人物因革慶興靡不瞭如指掌他日哀集通志採脩輶軒則茲志之編誠博雅之助已。雖然士貴通經尤宜立政成

國家簡畀之重以主持守風化之權務期於先王淳良舊地復見熙皞以敷輔太平將不徒與韓楊諸君爭名翰墨且得附忠獻文正之後接武前徽則休增典冊之光矣其所望於守土

者，獨志云：予哉於其請也。書此以并諸簡端。
乾隆二十七年壬午，直隸巡撫甘肅等處地方贊理軍務兼理
茶馬兵部右侍郎兼都察院右副都御史長白明德撰。

慶陽府志

卷之第一

序

今

聖天子覃敷文德載績武功西陸之外拓地萬餘里。

制憲太師楊公設局纂修甘省通志採各縣之紀錄哀

為全帙檄下慶陽慶舊有志而無志也非無志也歲久殘缺不完百

年來時事茫茫魚目混珠如是者誠不可以應命先是乾隆

二十四年夏五余勘定環邑返道北地晤太守趙君以

郡來未輯為歎余謂之曰君不知事以會興文以人傳也

茲固昔賢翺翔之地非徒無表見者而顧漫漶至今後

起者果誰屬哉辛巳履長

慈宮萬壽余以春杪祝

慶陽府志

卷之第一

序

釐入都趙君攝監司篆寓書於余曰不佞承

大憲之檄重訂郡志行且發板謹以副本懇執事敢乞一

言弁諸簡首心竊異之案余親歷其境文獻闕絕然銷

沉胡一旦而竟成此不朽之業信前此之非虛語亦以見時

會之相值也暇輒披覽因附數語以歸之志者誌也記邦國

之沿革風俗之淑慝與人物之臧否下逮金石碑誌佚事

遺文無不蒐擇採掇融洽大適始有當於記載之體今書成

四十二卷依類叙次較昔倍之該矣脩矣而繁而不縟直而

不詘并而不紊質而不靡凡上下數千百年登當代掌故

鉅纖畢載而舊志之訛舛支離者率皆潤削之俾後之君

子有所取材如溯河源者之于崑崙問山靈者之必於喬嶽是
是則君之用心良苦忘良厚矣若夫政通人和百廢具舉是
邦之人所以嘖嘖於君者固不專在此余謂此亦足以重君
矣不且垂之永遠而不朽乎吾可為卜之春也

平慶觀察使者司宗智題

平陽府志

卷之第一 序

叙

關中郡縣皆有志惟康對山之武功呂涇野之涇陽王涇陂之鄠
縣前華謂與諸史相頌頌余曩者見之信非阿好也又聞明
侍郎樂燾韓鼎著慶陽府志十卷稱為善本下車後問其
遺編則散佚已久惋惜者竟日因披閱前守楊公舊志為順
治庚子以前之書迄今百年因革興廢不知凡幾而版復
刊缺不有記述其事者輒軒何以告遺緒何以續耶獨是志
之作也必熟悉累朝之掌故與

當代之典章而後參諸學士之見聞名山之著述然後
成一家言不然閉門造車未審輟迹不啻飾僞饒以

慶陽府志

卷之第一

自敘

一

繒線叩瓦缶以鐘呂也余無淹貫馳騁之才亦非石室蘭
臺之職方局職於簿書案牘之末遑其將與一二名流
抗顏而分旗鼓哉雖然余間嘗讀史

而知之

矣良史之體曰予奪曰紀載曰文質志不與史同固有異
而同者如人材官業節誼文章千秋有定論微而顯志而
藏不可以不謹嚴也至於屬左氏得參龍門踈漏儒者詭譽
非傳信決疑者不足以動人之聽睹也至於屬詞比事華而
不辭直而不俚迺為立言有要此三者固史家之所長亦
操觚者之表準因不揣持昧即原志之煩者汰之簡者詳之
脫者補之憊者潤之餘以類而各為裒益焉目覽手抄不

覺其疲我形勞我神也。然竊疑古人之作史也，往往頭白可期，汗青無日。予之排纂校刊甫閱五匝月，遂得從容而卒業焉。豈古為之難而今為之易與？蓋史必上下數千百年，綜括宇宙，故非殫精竭智，積歲窮年者，不能志乘之所及者，郡邑耳。時事耳。且遞之數十載，必有復起而增修之者。其與史之一成不毀，歷久彌新者，同乎異乎？據據之餘，聊印證其得失，報烏以赤，不知當更何如爾。

乾隆二十六年辛巳秋七月既望甘肅慶陽府知府武林趙奎植撰

昔唐韋述作東西京記世無完書宋龍圖學士宋敏求本之撰長安志舊有圖勒之碑呂待制大防跋其尾秦人附錄于志謂之長安故圖人稱該洽慶陽固周之義渠也秦併之置北地郡上下數千百年雖散見於地而未有專書前明樂燦諱侍郎鼎著慶陽府志十卷又久已亡之今士大夫家所藏者。

國朝順治十六年前守楊公藻鳳所輯也時事升沉已閱凡幾無燕許大手筆起而纂修之後之視今過客耳浮雲耳何以爲信使之券哉

大尹趙公來守是邦三年中百廢具興教養備至復念志乘

慶陽府志

卷之第一 跋

刻缺因歎然而肩其任凡五匝月而書成間嘗謂天下事莫不有機六朝之卑以昌黎而起豪金石之毀泐以廬陵而鑒別未遇其人大造因遞回而有待也今潮楊公以距於茲遷之百年矣而不先不後成此不朽之業非大造之所鬱積而久待者歟今西陲珍氣開局纂輯省志韓侍郎之遺編既不可得版跋上之大憲以是乃慶郡之信史也可而徵文考獻者亦得所依據非庆人之大幸者也夫武備員赤县有志未逮藉以掩其疎陋是又武之所深幸者也顧材識薄鄙莫贊一辭惟竊冀其如呂待制之附青云而名顯也行且自慰矣錄下候官張純武謹跋

跋

文章政事不能相兼故優於幹濟者常拙於風雅工於翰墨者每疎於經略我

大尹趙公則不然乾隆癸酉公擢守銀夏寬遣備員宇下時軍

旅方興微檄從德公日坐堂皇親翰聽斷而不廢吟咏竊

歎為天人然猶窺見一斑耳未幾補授慶陽寬又承之環邑

於是復親炙化雨愧朽蠹扣槃不敢妄置一喙會己邠環有城工代

旅之役公肩輿道左審度經營行笈常滿工成以律咏歸美

咸陽府志 卷之一

公之才大而學瞻也郡固山城荆榛盈望三

年脩廢舉墜政通人和至辛巳春暮而有事於志乘七月而赴

梓書成寬受而讀之分門次類衆體悉備而闡幽顯微則尤仁人

君子之用心也藝文旁搜博採晦明不輟以寬瓦缶之鳴亦謬附於黃

鐘大鑄之末靈表又何如者夫志為史之流派昔劉舍人總云尋繁

領襍之術務信棄奇之要明白頭訖之序品酌事例之條曉其大綱

則衆理可貫斯言也辭約而意該矣公之文章不盡乎此而可以

風雅之無乎不可即政績亦可得其梗概嗚呼人所不能兼者

公薰之而裕如，謂非天際人而何。寬以奉調候代，將赴銀川，於是書之始也。未遑少參一議而成也，亦不能形之讚歎。如登秦華，涉河海，舌撓不下，莫知其高深而已。至述而仍創，事屬大難，則詳於總論不贅。屬吏魯克寬謹跋。



跋

策

路

策開先路端輸十倍之才文謁後塵服兼人之哲謂新書將有
作郡則吾為恐舊事迄無微邑其汝往猥効雕蟲之瑣瑣庸解刻
楮之孜孜案寸塊以為山藐矣盆池以景躡群峯而登岱雄哉雲
海奇觀蓋非體擅諸長寫五方風氣惟是胸羅象妙能裁四直文
章北地巖疆在昔嘗聞武西陲保障于今復見希文蹟有廢而
皆興政何修而不舉丹樓黌舍固良革而翠飛棘院鱣堂更蛟
騰而鳳起瞻茲邦之黎獻曷由與以帛齊芳記當代之經猷自克

咸陽府志卷之三

跋

共松喬並永百二載鴻綱乃整有所牽歟十五旬大業斯成何其速也
琴聲鶴韻名家原即仙家燈影螢丸壽域還幾望域定全根於
字裏言言杼軸予懷紛玉屑於行間節節權衡在手才優著述
覺班范尚遜功名績最循良視龔黃又多學問兩日登諸冊
府論文推以為宗他時傳在藝林豈與因之作祖異百州而可貴
同片羽之堪珍縑帙初開我欲香含豆蔻身鐵衣人當霞
盪薔薇

屬吏陶奕曾敬識



跋

文章政事不能相棄故優於幹濟者常拙於風雅工於翰墨者每疎於經略我

大尹趙公則不然乾隆癸酉公擢守銀夏寬適備員宇下時

軍旅方興檄檄控總公日坐堂皇執紼斷而不廢吟咏竊數為天際人橫窺見一斑耳未幾補授虜陽寬又承乏環邑於

是復親炙化雨愧捫獨和樂不敢妄置一喙會己卯環有城工代賑之役公肩輿道左審度經營行笈常滿玉成以律咏歸美於令令踴躍不寧益信公之才大而學膽也郡固山城荆榛盈望三年內修廢舉墜政通人和至辛巳春暮而有事於走乘七月而赴

慶陽府志

卷之第一

梓書成寬受而讀之紛玉屑於行間節節權衡在手才優著述覺班范尚遜功名績最循良視藝黃又多學問爾日登諸冊府論文推以為宗他時傳在藝林數典因之作祖異百朋而可貴同片羽之堪珍縹帙初開我欲看含豆蔻牙籤未觸人常露蠶蠶

屬吏陶奕曾敬識

新修廣陽府志卷之一

凡例

一舊志自順治十七年前定修鳳重修迄今原板散佚郡士大夫家間有藏本字跡模糊章句剝缺即紀載亦多遺漏參攷文更屬訛舛

國家久道化成百數十年來盛日繁文明日盛若不亟為修輯更歷年所時事益繁遠無徵以現奉

上徵取郡縣志來採擇纂修次舊有繼畧畧成四十二卷

一舊志分類五十有五誇多務博未免頭緒紛繁校閱之暇因舉其可省者徑省之有可附者以類附焉共三十九條雖體製未能

廣陽府志

卷之一 凡例一

盡善亦頗綜括無遺蟲生於木而遷食其木非好自更張也

一郡縣之名歷代互易有音隸而今他屬者有音分而今併入者爰仿通志之例而各列圖於左置之首以補舊志之缺闕者可瞭然於沿革之源流矣

一州縣勝景與舊志所載不同如軍州正寧皆新易今名較為迤邐故從此而不從彼因各繪圖於左雖兵燹之後半窮高美亦有竟付子虛者廢興之感固不一郡一邑也

一田賦經費考舊制志俱沿明制與當

代迥異況百餘年中疊市

思綸減正額光流亡有耕桑之樂無鷄犬之驚唐虞之熙熙歸朕何以

加茲爰^盡采舊志悉從賦役全書略

皇仁亦以遵令甲也

一兵防郵傳亦與舊志所載不同其民土團練及鋪舍烽墩仍附誌簡末以備考察

一學校所載儀文屢數不辭項肩者與古為風化之原

國家文教昌明迤邐前古誠如龍門所云觀東服禮器低徊不能去也廢郡法物不及江浙之大情率多因陋就簡况歷久未必常新雅意振興者庶可按籍而考

一壇壝載在祀典惟藉田之制昉於雍正六年尤不以不詳而予觀廟院亦附載於此者民間以歲時伏臘祭賽報享有其舉之

廣陽府志

卷之第一

凡例二

無或廢也况非淫祠巫覡者乎故仍照舊志而從俗

一職官通志首載官制兵志亦然所以誌因革也至宦蹟一卷舊志代不數人考漢晉以訖元明先後蒞茲土者實繁有人爰博採前史與通志^志其卓然可紀者悉為增入而

昭代守令尤詳以近而可徵也據事直書或類或簡體無一定其州縣序次先後悉依舊志

一選舉考舊志前明科第稱最盛而學問經濟皆出其中至近日則寥落無聞豈風會之不同若歟爰仿編年之體鄉會選舉敘次悉依科分一以誌科目之始兼可識盛衰之自多士或由此而知激發乎歟予望之

一鄉哲人物志者先需選輯書目如朱竹垞明詩綜皆各作小傳況志來乎然記載必確有可據詳言之非冗言也而一言尤貴質雅有仍原志者有謬加刪潤者於此頗資斟酌閱者自見。

一忠孝節義之事余居嘗讀史每津津三復不厭故志中必綴斷陳之懿德之好人心所同匪僅曰善善欲長也。

一人物舊志俱入鄉賢毋論名實混淆甚有以訛者如郡志州志俱

載

元昭文館大學士王都中孝元史王係福建福寧州人不解何以列

於邑乘顧相沿既久又云崇祀姑仍之若其他則有歸入人物者。

一列女志旌節表貞

國家曠典其未經呈報者採訪既確例得備載而州縣詳舉有僅

慶陽府志

卷之第一 凡列

書姓氏無行實可錄者屢欲刪之因念聖訓焚燬不忍其貴志於泉壤也寧寬無嚴故並記之

一紀事所以誌一代之變故如歷朝之有紀事本末也考舊志脩於順治十七年而明李閏寇與

國初賀逆之亂皆畧而未盡茲復之父老傳聞具詳願末亦可以知庶民流離疾苦之所由矣。

一歷代之史災異必書與志與史不同似可不載顧考各郡縣志皆附此條或亦以祥省所見為人事得失之所驗可為官守者之驚省歟故仍舊志而益以時事。

一拾遺一卷他志所無慶郡自秦置郡縣以來遺文軼事往往見